

3. Қазақстан Республикасының Баға және монополияға қарсы саясат

жөніндегі мемлекеттік комитеті жоғарыда көрсетілген қаражаттардың мақсатты пайдаланылуына бақылау жасасын.

4. Отынның жетіспеуі төлемді жүйелі түрде төлеп отыратын тұтынушылардың электр энергиясын бөліп тастауға негіз бола алмайды.

Қазақстан Республикасының Баға және монополияға қарсы саясат жөніндегі мемлекеттік комитеті төлемді уақытында және толық көлемде жүзеге асыратын тұтынушылардың электр энергиясын бөліп тастағаны үшін тұтынушыларға зиян келтірген энергетика кәсіпорындарына 1996 жылдың 1 қазанынан бастап қолданылып жүрген заңдарға сәйкес шаралар қолданады деп белгіленсін.

5. Қазақстан Республикасының Энергетика және көмір өнеркәсібі министрлігі :

1996 жылдың 1 қазанына дейін:

электр энергиясына қарыз емес тұтынушылардың мүдделеріне нұқсан келтіретін "веерлік бөліп тастау" практикасын барлық республика аумағынан алып тастау жөніндегі шараларды әзірлесін және оларды жүзеге асыруды қамтамасыз етсін;

бөлу есебін аяқтасын, төлем төлемейтін тұтынушылардың электр энергиясын аталымды бөліп тастау әдісі қолданылсын;

Қазақстан Республикасының Баға және монополияға қарсы саясат жөніндегі мемлекеттік комитетімен бірлесе отырып маңызды түрде қысқарту мақсатында энергиямен жабдықтау көздерінен бөліп тастауға жатпайтын объектілер тізбесін қайта қарасын.

6. Қазақстан Республикасының Мемлекеттік мүлікті басқару жөніндегі мемлекеттік комитеті Қазақстан Республикасының Жекешелендіру жөніндегі мемлекеттік комитетімен бірлесе отырып энергетикадағы әлеуметтік-мәдени-тұрмыстық және тұрғын үй қорының объектілері бойынша 1996 жылдың 1 қазанына дейін ашық аукциондар өткізсін және 1996 жылдың 15 қазанына дейін істелген жұмыстар туралы Қазақстан Республикасының Үкіметіне баяндасын.

7. Облыстар мен Алматы қаласының әкімдеріне 1996 жылдың 1 қарашасына дейін инвесторларды, қаржыландыру көздерін және оларды кейін жекешелендіру жолдарын іздестіру жөніндегі жұмыстарды өткізе отырып энергетика кәсіпорындарының - табиғи монополистердің әлеуметтік-мәдени-тұрмыстық және тұрғын үй қорының жекешелендірілмеген объектілерін балансқа қабылдау тапсырылсын.

8. Қазақстан Республикасының Экономика министрлігі, Қаржы министрлігі, Энергетика және көмір өнеркәсібі министрлігі нақты қаржыландыру көлемдерін негізге ала отырып бюджеттік мекемелер үшін электр энергиясын тұтыну лимиттерін 1996 жылдың 1 қыркүйегіне дейін әзірлеп, енгізсін, энергия

тұтынушылар тұрғысында мемлекеттік мекемелер жұмыстарының неғұрлым ұтымды тәртібін жасап, күшіне енгізсін.

9. Облыстар, қалалар, елді мекендер әкімдерінің электр энергиясын төлеусіз беруге энергетика кәсіпорындарын мәжбүр етуіне тыйым салынсын.

10. Қазақстан Республикасының Баға және монополияға қарсы саясат жөніндегі мемлекеттік комитеті мен оның аумақтық органдары электр энергиясымен жабдықтау және оларды тұтыну тәртібіне араласу фактілері бойынша мемлекеттік органдардың лауазымды адамдарын қолданылып жүрген заңдарға сәйкес жауапқа тартсын.

11. Қазақстан Республикасының Энергетика және көмір өнеркәсібі министрлігі Қазақстан Республикасының Баға және монополияға қарсы саясат жөніндегі мемлекеттік комитеті осы қаулының орындалу барысы туралы Қазақстан Республикасы Үкіметіне ай сайын әр айдың 10-да ақпарат беріп отырсын.

Қазақстан Республикасының

Премьер-Министрі